

姑有待則草蔓煙沉當此捐無可捐助無可助卽令
檢括洞租不及四分之一追呼維艱措置莫策本府
勉厥心力求尺寸以圖之然登高之呼所有望於挈
裘而振領者也恭惟憲臺雲漢天章主持名教當五
百年之間氣作靈光殿之干城樞璇運心經綸在手
伏懇俯賜俞請若大成正殿彛倫宗儒文會諸堂先
賢三公二祠首需料理廊廡校舍鱗次修葺繚垣視
先庖廡視後使肄業於中者入廟思虔齋心有地庶
春秋霜露不寒先聖之春風棧樸賁鏞更暴憲臺

之秋日仰慰

師靈俯蒸譽髦古人稱鼎呂之輝功

當不在禹下也奉提學道邵批云白鹿書院何爲理
學宗源古今勝地瞻先師之廟貌識斯道之薪傳

詎曰廢興無關斷續正當亟爲整頓以垂後學津梁
該府詳請葺治喜有同心應卽行確估申報以憑酌
量興工可也布政司姚批云白鹿書院爲考亭夫子
講學遺踪靈光所寓蘋藻猶香旣經學使捐資修葺
本司亦捐銀二百兩付該府鳩工以共勦斯舉按察
司李批修理白鹿書院誠不朽之盛事本司自應捐